



Ministry of Civil Affairs

Broj: 14-16-3-15-5/21

Datum: 20.12.2021. godine

Na osnovu člana 70. Zakona o javnim nabavkama BiH (Službeni glasnik BiH broj 39/14), ministrica civilnih poslova Bosne i Hercegovine donosi:

ODLUKU

o izboru najpovoljnijeg ponuđača

I

Najpovoljniji ponuđač u postupku javne Usluge uvoza, skladištenja i transporta na ambijentalnoj temperaturi i uvoz i transport na temperaturnom režimu od -15 °C do -25 °C – LOT 2, objavljenom na web portalu Agencije za javne nabavke BiH, broj obavještenja: 121-1-2-86-3-36/21 od 08.11.2021. godine, koji je proveden u skladu sa procedurom otvorenog postupka je Hercegovinalijek d.o.o. Mostar.

II

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

III

Ova odluka stupa na snagu danom donošenja.

OBRAZLOŽENJE

Na osnovu provedenog postupka nabavke, Komisija za nabavke je konstatovala da je rok za dostavu ponuda 14.12.2021. godine do 11:00 sati, te da su do navedenog roka na protokol Ministarstva civilnih poslova Bosne i Hercegovine za LOT 2 pristigle 2 ponude i to ponuđača: Hercegovinalijek d.o.o. Mostar i TUZLA-FARM d.o.o. Tuzla. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, provedenom postupku analize i ocjene ponuda izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača.

Ponuda ponuđača TUZLA-FARM d.o.o. Tuzla nije prihvatljiva iz razloga što nije dostavljena skenirana na CD, USB ili sličnoj memoriji, iako je tačkom 14 tenderske dokumentacije jasno navedeno da su ponuđači su obavezni dostaviti skeniranu kompletnu ponudu na CD-u, DVD-u, USB-u ili sličnoj memoriji. Osim toga, ponuda ponuđača TUZLA-FARM d.o.o. Tuzla nije prihvatljiva iz razloga što dokument kojim se dokazuje da je certifikat

iz tačke 11.3.1 tenderske dokumentacije i pojašnjenja tenderske dokumentacije u postupku obnove nije dostavlje u originalu ili ovjerenj kopiji iako je u tenderskoj dokumentaciji jasno navedeno da je dokaze o kvalifikaciji navedene u tački 11.3.1 ponuđač dužan uz ponudu dostaviti u originalu ili ovjerenj kopiji.

Ponuda ponuđača Hercegovinalijek d.o.o. Mostar je ocijenjena kao prihvatljiva, dostavljeni su svi traženi dokazi propisani tenderskom dokumentacijom, na propisan način.

Analizom ponuda, primjenom kriterija najniža cijena Komisija je utvrdila sljedeće:

Prihvatljiva je ponuda ponuđača Hercegovinalijek d.o.o. sa ukupnom cijenom 15,60 KM bez PDV-a (cijena transporta po kilometru-Temperaturni režim: Suho skladište-ambijentalna temperatura 2,80 KM bez PDV-a, cijena skladištenja po danu na osnovu prostora koji roba zauzima iskazanom po paleti-Temperaturni režim: Suho skladište-ambijentalna temperatura 10,00 KM bez PDV-a i cijena transporta po kilometru na temperaturnom režimu od -15 °C do - 25 °C), odnosno 18,25 KM sa PDV-om.. Obzirom da ista u ekonomskom i tehničkom smislu u potpunosti zadovoljava zahtjeve ugovornog organa data je preporuka da se donese odluka o izboru najpovoljnijeg ponuđača.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.



DOSTAVITI:

1. *Ponuđačima - elektronski*
2. *Web stranica Ministarstva – na objavu*
3. *a/a*